

TENDAA NENSAABA ZAA YELESOOBO SOBIE MOOLOO

A YELE YUOBO

A yeli nang bebe la, ka nee zaa bang ka nengsaala emmo ane o yelsoore seng la taa a nengsaala booro poo; a nengsaala mengesoobo ane o yelmenge noba zie la binne eng-maarong ane yelmenne noba zie a tengazu.

Ka nengsaala kaa-ba-nye e ka tongfaare tong ka noba banang nang taa teerong veele nye posããna. A yele ama ee la ka nengsaala zaa nang booro bone ne ka ka bie tenga benee nengsaaba zaa nang so ba menne a yele yele zaa ba nang booro, a puoro puoru zaa ba nang booro, a ta zoro bebiri kang nang.

Ka a da sengge la ka anang ba fere nee kao e yeli nang fere o, a kũũ ne o baao poo ka o faa o mengge dogrong poo, ka ka a yelmenne tãretero la guuro a tendaa zaa noba yelsoobo sobie.

Ka a da sengge la ka to-ne-to nommo yele a tendaa za.

Ka a noba nang be a Tendaa Langne poo lee maaleng nyogee ba yeldeebo a a yelmanne binne nga nang guuro a tendaa zaa yelsoobo sobie poo, ka dõo ane poge nang ba gang taa song ka nengsaala maaloo ane o mengesoobo yele gere ninge a tenga zu.

A tenne na zaa nang be a Tendaa Langne nga poo eng la noore ka bana ane a Tendaa Langne na nye a tendaa zaa nongtaa, a engne a Tendaa zaa yelsoobo ane mengesoobo sobie.

Ka ka nee zaa bang ka a yelsoobo sobie ama ane a nensaala mengge soobo la yelkpong nang be a noore nga emmo poo.

Pampanga a Le Zueng,

A TENDAA LANGNE NOBA LANG TAA

moolo la:

ka a TENDAA ZA YELESOOBO SOBIE waa la bone noba zaa ane tenne zaa nang na moõ nimiri k'a nye eebo. A lezueng nee zaa, bee nengsaaba langne zaa na taa la a yele ama teerong tegtegle a ere anee ba wuloo poo ane ba zanno poo a e k'a yelsoobo sobie ane a noba mensesoobo yele duoro saa kye ere beele beele tenga zaa poo a na e k'a tendaa zaa bang kye tuuro a yele ama. Tenne na zaa nang be a lammo nga ane noba na zaa nang kpeerẽ a tenne na poo, a lang ne a noba banang zaa nang be tenne na zaa ba nang di naalong a zu.

Dore 1

Nengsaala zaa ba nang doge so la o menga, ka o ne o taaba zaa sengtaa noba emmo ane yelsoobo sobie poo. Ba dogee ba zaa ne yeng ane yele-iruu k'a da seng ka ba ere yele koro taa a nga yoomine.

Dore 2

Neezaa soobo la a Tendaa zaa yelsoobo sobie ama nang be a gane poo; a ba wullo ka nee nga waa ngaa ne ngaa; a nga balong, bee o enge waalong, k'o waa la poge bee dõo, o kãkoyelaa, puoru na o nang puoro, o teerong nang are le a tenga maalo yele poo, o tengyiraa ane o aroozie a tenga poo, boma o nang taa, o dogebo zie bee o arezie.

A la waana le puoreng, gyegru kyebe ane nee teerong nang wuli o ka o tuuro a tenga maalo yele le, bee bone na naalong ba nang dire a tenga na poo a nee na nang yi, ka a tenga na so la o mengge bee ka o be la tenga kang nuureng, bee ka o nang ba so o mengge, be ka yele mine bebe la a pãgro o mengesoobo sobiri.

Dore 3

Neezaa taa la sori ka o taa nyovore, ka bone zaa ta ngmaara o sobiri o yellerre poo, ka tuo ta be o zie.

Dore 4

Neezaa ba taa sori a taa o tãsoba ka o waa o gbangbaa bee ka o tonã gbangba-toma. A fereẽ la kaa gbangbaalong ane nengsaaba koro ta bebe togtog yelizaa poo.

Dore 5

Neezaa ba seng ne enge dogrong nang gang, bee potuyele, bee dogrong zaa nang ba seng ne nengsaala.

Dore 6

Ka neeng be zie zaa a fereẽ la ka a tenga na deme de o k'o waa nengsaala a loo poo.

Dore 7

Loo ninge poo noba zaang sengtaa k'a fere ka a loo kaara ba zaa zu ka gyegru kyebe. A yele ama mooloo poo kyirung la ka gyegru bebe nee zaa zie, bee ka nee dore ka ba gyegri nee.

Dore 8

Ka nee zaang taa yeli a gaane a sere diibo zie, a fere la ka a tenga na seredirebe a di a sere velaa ka a yelmengae gaa a nee na deme nang kpe zie a seng le a tenga loo nang manne bing.

Dore 9

Neezaa ba seng ne ka ba de bone nyogoo gaa te page kye ba di a sere, bee ka ba diguu bare ka o yi gaa teng-yuo a te kpeere.

Dore 10

Neezaa nang saa yeli, a fere la ka a tenga na seredirebe di o sere neng-yaga poo ka nonne boore kyebe a sere nga ba nang dire a na nye bone na yeli o nang saa poo.

Dore 11

Neezaa ba nang nyoge yeli kang poo a na di o sere ko na poge nye dogrong a poo, a fere la ka a seredirebe de ka o ba saa yeli, a ta le sang ba nang di o sere yeng poo a te nye bang ka o saa la yeli. A o sere diibo na meng poo a fere la ka ba k'o sori ka o bo bone na zaa nang na to song o ka o yeli faa o mengae.

Ba kong to nyoge nee zaa nang saa yeli nang taa dogrong; yeli o nang e, bee o nang nage o vuo na poo, a yeli na o nang e, bee o nang nage nang da ba waa yelsaana nang booro dogrong a le sang onang da e a yeli bale, bee ka ba ko o dogrong nang waa tuo gang a dogrong na nang da bebe ka ba da ko o a le sang o nang saa a yeli bala.

Dore 12

Neezaa ba taa sori a bonno kpeere o to yele poo, bee o die yele poo, bee o yiri yele, bee o gama yele, bee ka o saa o to yosong ane o eveele. A fere la ka a loo guuro nee zaa a doone ama taaba poo.

Dore 13

Neezaa taa sori ka o yooro gere benee zaa o nang booro, bee ka o kpeere benee zaa o nang booro a tenga toribogri poo.

Neezaa taa sori ka o yi tenga kang zaa poo, bee o mengae tenga poo a kye lee wa a o tenga poo.

Dore 14

Neezaa taa sori ka o yi tenga na poo ba nang booro o dogroo, bee o koobo a gaa tenne mine a na te nye popeelong.

A sobiri nga kyebe nee nang saa yeli yelmengae ka ba booro o ka ba di o sere ka a yele na o nang saa ba e votu yele bee yele nang ba tu a Tendaa Langkpong yele sobie ba nang manne bing le.

Dore 15

Neezaa taa sori a na waa enga kang paalong nee.

Neezaa ba taa sori a na yeli ka neekang ta be o tenga poo, bee ka o ta yi o tenga a gaa te kpeere teng-yuo.

Dore 16

Neezaa nang ta doo, bee poge, bale zaa poo, tenga zaa poo, puoru zaa poo, taa sori a na de poge, bee kuli sere a dogro bibiiri. Ba zaang na sengtaa a ba kultaa yele poo a ta le sang ba kultaa nang baare.

Neezaa ba taa sori a fere noba ka ba kultaa; banang nang kulo taa yong na pele poore a sage ka ba kultaa.

Doo ane o poge ane o bibiiri waa seng bombiri a tenga noba zie ka a fere ka a tenga noba ane a tenga nembere kaara ba zu.

Dore 17

Neezaa taa sori a na so boma o yong, bee ka o ne noba mine lang so boma.

Neezaa taa sori faa nee boma o nang so.

Dore 18

Neezaa taa a sori na teere yele a seng o nang booro le, a tuuro o yeng wuluu, a puoro puoru na zaa o nang booro; o la taa la a sori meng a na leere o puoru ane o teerong; o na to e la le o yong, bee a lang ne noba yeng poo, bee o yong zie. O la taa sori meng a na e ka o puoru yele saa noba zie. O taa sori na wullo noba a o puoru yele. O taa sori tuuro a o puoru nga sobie zaa a seng le o nang booro.

Dore 19

Neezaa taa sori ka o teere ka yeli kang waa ngaa bee o ba waa. O taa sori meng na yeli a yeli na yele. O la taa la a sori meng ka o teere ka yele mine waa ngaa, kye ka nee zaa ta fere o a o teerong na poɔ. O taa sori meng ka o bo a kye nye yelpaaba nang yire zie zaa waana, ka a gangnee toribogri bee ka a ba gangna o taa la a sori.

Dore 20

Neezaa taa la a sori ka o poɔ noba nang langtaa ane teerong velaa. O la taa la sori ka o kpe langne zaa.

Nee kontoɔ fere neezaa ka o kpe langne kang poɔ.

Dore 21

Neezaa taa sori k'o poɔ a tenga gɔbenente yele poɔ o minge bee ka o poɔ iri noba ka ba lee o zu.

Neezaa taa sori ka a tenga poɔ bone na zaa nang bebe ka ba de sonno ne a noba ba yeli zaa poɔ k'a tara o meng.

A gɔbenente fang a tenga poɔ na yi la tenga noba boɔɔ zie. A sobiri na a noba nang na mang tu ka ama nye eebo la ka ba manne bing ka ka vuo kang poɔ k'a noba mang taa neng-iri ka finnuu kyebe a neng-iri nga poɔ; k'a banang zaa nang ta noba a taa sori na iri a noba nang na lee ba zu a tenga gɔbenente poɔ. A neng-iri sang nee zaa ba taa sori na nye o tɔsoba nang boɔɔ k'o iri nee na.

Dore 22

Neezaa waa la a tenga zu noba nee. A feree la ka o tenga kaara o zu; o la taa la sori meng ka o nyere a o tenga tɔno ka a song o ka o nyere emmo a seng nengsaala; ka o enge ane o yang yele meng kyene velaa.

Dore 23

Neezaa ta sori ka o taa toma tɔno. O taa sori meng ka o iri toma na o dang boɔɔ. Sori bebe meng la, ka ka o toma zie ane o toma zie yele veele. Sori bebe meng la ka o taa toma tɔno a ta yooɔ wee le.

Neezaa, ka gyegru kyebe taa sori ka o nyere san-yoo a seng banang zaa meng nang tɔno a tong-bale.

Neezaa nang tɔno toma taa sori a naa nyere a yooɔ ka a seng o ne o poɔ ane o bibiiri; ka a seng ba ka ba na toɔ nye bone na zaa a nang fere nengsaala ka o taa waa nengsaala.

Neezaa taa sori ka o piili tontonema langne. O la taa l'a sori ka o kpe tontonema langne nang na song ka o guuro o toma.

Dore 24

Neezaa taa sori ka o nye penno kye ka o pennoo sang ka o taa sori a ere le o poɔ nang pelle. O la taa sori ka ka o ta tong toma a te gang gammo kang. O taa sori meng na nyere pennoo bebie a o toma zie kye nang nyere san-yoo a pennoo bebie na poɔ.

Dore 25

A feree la k'a tenga nye ka benee doɔ ane o poɔ ane o bibiiri nang kpeere seng ne ba eng-maarong nang boɔɔ le, ka ba nyere bondiri ane bonsuuri, ka ba kpeebo zie ane ba laafee yele veele. Ba taa l'a sori meng ka sang kang wa ta ka ba ba la taa san-yoo toma, bee ka ba beere, bee ka yeli kang e ka o kong la toɔ tong toma bee ka o sere, bee ka poɔ kpi kye kyere o yong, bee ka o kore zuo a kong la toɔ tong toma, bee ka yeli kang e ka o dee kong la toɔ bo bondiraa o minge, a feree la ka a tenga na o nang be kaara o zu.

Bimamine ane bibiiri nang nang baara, a sengee la ka ba kaara ba zu kye sonno ba. Bibiiri zaa, ka ba ma ne ba saa de la taa kye doɔ ba bee ka baba de taa kye doɔ ba meng na nyere la a sommo nga bale.

Dore 26

Neeza taa sori ka o bang gane. A gane zanno piilu sang a da seng ka yooɔ kyebe. A feree la ka neezaa zanne gane belaa a ta taabo kang. A da ba seng ka neezaa wong tuo kye nye nuuri-toma zanno, bee gama-toma zanno. A da sengee la ka banang nang na toɔ meng ta wong tuo kye nye zanno nang do yaga.

A da sengee la ka gane zanno kyaara nensaala mengemaalo yele a kye sonno nensaala mengesoobo sobie yele a kye sonno yelwongtaa ane kanyiri di-ko-taa, a e ka tenne ane bale la bale zaa ane puoru deme zaa nyoo taa baalong a kye e ka a Tendaa Langkpong yele kyene ka maarong be a tenga zu.

Saamine ane mamine taa a sori a na de weɛ dang iri benee ba nang boɔɔ ka ba bibiiri gaa zanne gane.

Dore 27

Neezaa taa sori ka o poɔ a tenga tengkoɔ yele poɔ a meng wong a noba nuuri-toma noɔ, kye nyere tɔno nensaala yang nang song o ka o maale, bee ka o e ka bone na zaa waana ne noɔ bee tɔno.

Neezaa nang de o nuuri, bee o zu a tong ne toma ka a yire tɔno mine, a feree la ka a tenga ta veng ka neezaa finne o a toma na poɔ.

Dore 28

A da sengee la ka a yele ama ba nang manne bing a kye a nye eebo, ka benee zaa tenga zu kye nee nang kpeerε na toɔ so o mengine kye kpeerε ne popeelong.

Dore 29

Neezaa taa la fero toma o taaba zie benee o nang kpeerε. A leng na song ka o mengine nye maalo.

Neezaa nang so o mengine, a wonno o mengesoobo noɔ, yeli zaa ba kyebe a na pigi a o mengesoobo nga sori see ka tenga nang manne bing le naane, a loɔ na meng na waa la loɔ nang na veng ka nensaala nye emmo kye so o mengine, a sonno ka nensaaba ere eveele, a e ka marong be noba nang lang kpeerε zie kye ere ka noba zaa kpeerε velaa ba tenga poɔ, ka ba meng taa noore a ba tenga maalo yele poɔ.

Neezaa ba taa sori a e yeli nang ba toro a Tendaa zaa Lammo nang manne a nengsaaba meneesoobo sobie bing le.

Dore 30

Tenga zaa bee langne zaa bee neng-yeni zaa ba taa sori a willi a yele ama ba nang manne bing a kye; ka a waa seng nga a yele nga ko ba la sobiri ka ba tong tone zaa bee yeli zaa nang waana ne nensaala mengasoobo ane o yelisoore noɔ wommo ba nang manne bing a kye sããbaro.